

後圃黃先生存集

後圃黃先生存集卷之三

門生戴朮 校梓

古林山房 重刻

五言絕句

劔潭漫月 題山口八詠

秋生廣寒殿影落馮夷宮誰能沒浩蕩寶剎蟠雙龍
犀玉生烟

犀山峙寒玉日暖生氤氳朝來挂笏處萬仞烟光新

清溪柳色

清溪已如畫柳復含輕烟波光涵翠縷一色爭春妍

黃浦荷香

金仙跌足地漚眼蓮花香人間自熱惱佛國逾清涼

燕谷樵歌

山頭見落日谷口歸群樵雲沾葉影重風度歌聲遙

龍拳鍾韻

叢刊出官道華鍾吼夕曛溪風吹不斷隱隱隔林間

方塘活水

方塘湛銅鏡活水來源頭共憐漚不溢汨汨何時休

高嶂聞雲

閒雲在高嶂澹澹萬變奇主人捲簾與客同支頤

七言絕句

題春山遊驢圖

老夫無復少年狂，嚼肉齋生兩鬢蒼。
猶記青山遊驢日，野花吹逐馬蹄香。

題和靖觀梅圖

一童蹲火煮春茶，風雪孤山處士家。
自有入寒西賊膽，兵塵宜不到梅花。

一鶴軒然不受籠，昂藏仙骨伴高風。
公餘尋得觀梅意，案牘應勞一洗空。

以詩達金彥中千戶覓心逸亭中木炕床三絕

廢却山中活水池小床棄置亦多時何如撇賺詩家去
卧雪眠雲捲得宜

六尺來長夢蝶床雅宜鋪我竹邊房暖風吹斷楚花雨
便載端溪一葦航

床小貽來自玉人草堂得此頓生春艾氈菊枕新洲簟
醉卧那知月滿身

贈月堂上人

長風萬里掃烟霞吹散蟾宮老桂花高士此時方入室
一堂清影浸袈裟

題居仁巖雲居亭

爲憐浮世等空花
小築雲居當住家
竹几蒲團禪定處
老龍噓氣濕袈裟

山後山前總是雲
崖蒸樹骨白紛紛
老僧清供長如此
笑不堪持贈君

雲本無心伴此僧
僧居偶入亂雲層
客來未解名亭意
浦紙題詩勝葛藤

送金如山往婺州

如山金兄慕熙成子皮之風
去年謀之江西某嘗作
詩以贖之既而止或尼之
今年聞浙東金華商旅大
通便刻日買舟以往又爲
作竹枝歌三章餞其行風

止波平酒醒耳熱或可扣舷以荅舟人之款乃也

送別林塘快放舟澄江渺渺消人愁蘋花滿棹應相笑
也趁春風過婺州

桃花雨晴春水生東風去船如箭行鯉魚活煮蘭溪酒
篷底醉眠江月明

春城鼓角舊金華莫忘長干桃李花千金重載布帆穩
後月月圓人到家

送戴子文運房宅到瓜洲

斧斤雷闢榛填溪梁棟成時水拍堤老子東征了官事
笑人癡坐竹窓低

大筏安如萬斛舟水風徐動棹夫謳買魚沽酒江花底
快到瓜洲古渡頭

風流重得過錢塘湖面新荷水亦香應買松餅成一醉
醉來還似少年狂

愁緒紛紛吹柳花離筵少駐牽溪沙也知不作多時別
秋月才圓可到家

三月五日壽金時和

風泛崇蘭花雨鳴又拈春酒祝長生他年迭奏填荒處
盡出商顏發雪明

子可嘗門身燕居晚年優逸定何如東軒花木春華

西塾圖書樂有餘

送姪德輔之杭州

春光湛湛下錢塘
梅落晴沙柳半黃
月送乘桴順東去
中流安穩勝龍驤

十里荷花九里松
茲遊未遂髮如蓬
子行喜得陶朱術
莫恨西湖歌舞空

薇垣依舊鎮嵬峩
山色湖光破碎多
想得縱觀增感慨
歸來細與說如何

吾郡存菴詩可傳
武林行卷百餘篇
子今已有驚人句
定解吟哦繼昔賢

凝叔烏巾尚懶裁不堪短髮白
鬢總煩於湖市叢珎處
爲買竹皮冠子來

璫溪釣隱

一溪春漲碧於苔溪上桃花無
數開蒲棹清風何處泊
東流直訪子陵臺

龍吐潭雲翳日光釣絲微動
柳枝涼掀篷指點潘村路
笑殺行人汗似漿

蘋末青颺乍起時杖緝艤棹
向灣碕颺風天外滄溟力
醉卧溪頭了不知

眼眩波光闊雪光短菴濕惹
渚梅香祇思新酒宜鮮贖

蓋日持竿凍欲僵

賀戴昂霄誕曾孫

剡溪衮衮慶源長
梧竹含春遶畫堂
晴日暖軒生意足
曾枝新長橘林香

臨風摩弄白髭鬚
笑指鸚鵡綵翼奇
剡曲明年春二月
花前好伴太翁嬉

復子度弟書後韻

僻性生平尚直柔
慣居客館雪盈頭
從渠狂妄多顛倒
老子胸中沒點愁

舊友興歌伐木詩
湖山還似昔年時
諸生挾策趨前闕

日晏先生起尚遲

凝兒當戶慣支吾
勉下書檉對酒壺
秋晚弟兄歸故里
拔頭日費百錢沽

寄賀岳雲居士生孫四首

此翁習大勝春溫
每愧同庚若弟昆
百事從來慙莫及
茲今仍如先生孫

詞砌春深長紫萼
重閣願此樂無涯
錦綉綉保明霜後
抱看湖濱蒲樹花

綠陰遮屋瑞光浮
浴罷龍孫倒玉舟
我未去爲湯餅客
犀錢還肯寄來不

莫笑先生兩鬢疎，行年六十看何如。
天教筋力常清健，猶聽韓符夜讀書。

題汪煥章白頭公卷

霜枝半稿羽毛嬌，並帶秋光立寂寥。
縱得春風紅樹暖，白頭如雪可能消。

詩餘

御街行 六月十二日壽金伯符

少年不競南科貴，安肯遂蠅頭利。
一經教子，是家傳，但曉詩書滋味。
李之盤谷，陶之采里，無限田園趣。
○香風細細吹荷葉，稱壽酒歡聲沸。
堂前棗萼正聯芳，盡出商

顏風致莊椿不老孫枝漸長萬事都如意

最高樓

壽程梅所

薰風細涼意滿絃絃壽宿正移躋昔年鵲奮雲階上如
今豹隱雪窓前與麻姑看滄水變桑田○已莫說貴曾
遷筦庫也莫說富曾堆粟布無世累是神仙佳章談笑
嘲風月草書遊戲掃雲烟倚東床閑傲兀八千年

蟾宮曲

壽程梅所

飽風霜松柏蒼蒼枇杷晚翠梅萼時香文筆鍾奇清漪
毓秀弧矢呈祥○喜今朝笑蒲華堂慶生辰酒泛瓊觴
福比滄浪壽並南嶺蟄蟄繩繩丹桂遲芳

和子中弟寄賀樂府

鶻噪簷前鴈過樓外傳來一曲陽春臨風把玩為俺頌
生辰調協五音六律翔鸞鳳筆陣如神真堪羨人間罕
有冀北更空群自憐愚魯質生涯冷澹怎列田真三
旬加五歲猶混風塵爭奈離多會少荆花畔莫接慇懃
相思處長天空濶極目望停雲

卧雲居士畫像贊

貌端氣醇願豐辭勻其少年壯志汲汲乎青雲之路及
其暮也安乎寂寞之濱境亦桑不變此已盡於麒麟視
其目光炯然猶當數十年未化為海陽前代之遺民

陳達道畫像贊

曰雲道人秋水爲神素衣黃冠超然出塵如果克符于
是真則盡翳鳳凰而騎麒麟以相與觀乎瑤圃之春

自贊

黃某不幸有罷癘之病左足痛甚蹇不能行人笑而
目之曰左蹇翁因自作贊贊曰

尔心甚寬尔神甚完病尔足以蹠踣寸步有千里之難
無妻而鰥有子而頑後圃三間種菊藝蘭飯盂蔬盤布
袍箠冠從髮禿而齒殘人皆羨官鞭笞鳳鸞尔獨返關
如將飛而翳翰既自比爲壻中之木胡不自安胡不憚

煩窮經考史弄墨研冊維師維友昔風林與東山尔尚
十年而不死死而相見有尊足在庶無厚顏念彼流豎
迅若奔湍天刑莫逃喟然長歎

後園黃先生存集卷之三

後圃黃先生存集卷之四

門生戴此 校梓

古林山房 重刻

序

梅陰詩卷序

彊園協洽余月初吉予方時吟于金氏之止所其兄自
外歸謂予言吾姻家戴君伯拱燕居前榮有古梅一株
條暢碩茂蔽芾其陰非曦不侵而地光夏寒氛埃不到
而苔花畫寂戴君日坐其側與而樂之因以自號鄉人
稱之爲梅陰先生亦由五柳之陶七松之鄭也夫梅之

見於詩書周禮禮記大戴記左氏傳管子淮南子山海
經爾雅本草取其實而已未以其花爲貴也以花爲貴
則自戰國時始由漢魏晉唐迨宋以來詩而詠其花者
不可勝言吾州先儒方虛谷編澹奎律髓詩以梅花專
一類小序考之詳矣而未有貴其葉之陰者始自戴君
而貴其葉之陰而後乃將賦梅陰者日益多予其首歌
以賦之彼將如季武子之敢不封植此樹以無忘用予
之詩也予嘉戴君愛物之清度越流俗而梅之潔且類
其爲人乃強顏而歌曰萬木兮離披新葉兮南枝凌冰
霜而轉和氣始見其梅花之奇彼一時也又歌曰梅葉

方陰陰背子兮含仁升廊廟而調鼎鶴斯得乎先生之心此一時也歌已群公屬而和之凡幾篇爲一卷金氏元伴予題其端以爲詩序云

送石典史序

典史邑之幕賓也其職在公勤輔佐官長以撫綏百里之民於六曹吏牘無所不當問政有一不善事有一不集則待罪而弼先及之其責任之重難有如此桂林石公文舉之來休寧也常用武之世一邑之錢糧軍需道督營辦悉歸之於公而公老成練達坦蕩樂易不倚法以立威而民趨事赴功惟恐後三年之內雖事煩令急

未嘗少累於公於是上下之人咸服公之廉且能也視
彼貪殘舞手並緣爲姦而卒不得免焉者何可同日而
語哉公今書滿朝 京師郡之百夫長程某查某與府
吏雄某共載酒餞別于歙城之東門外屬愚序以識之
唯先聖爲委吏料量平爲司檝吏畜蕃息及其相魯
定公會齊侯于夾谷齊人歸魯侵地使仲由爲季氏宰
墮三都攝行相事誅少正卯載在方冊炳若日星公今
由此而佐名藩仕大郡責任愈重事業愈彰其亦取法
於先聖之道乎此吾徒期慕之私也故書此以爲贈

谿山真趣軒詩序

谿山真趣軒者呂公大氏歲修之所也其詩則當代鴻
儒瑰士相與詠歌斯軒者也公大爲吾故人安貞翁之
子安貞當承平時居松蘿市間治尚書經習舉子業有
文章善議論益有意行道於當世者而海田善幻遂賣
志以歿今公大既襲其家學又能遺外聲利而安乎寬
閑之野寂寞之濱故於谿山得其真趣蓋因居之於翠
孟嘉之於酒也孔子云知者樂水仁者樂山夫水與山
不能自有其趣必賴仁知之人樂而後得其趣然不能
忘情於軒冕者亦不可以語此也東山之謝安北山之
周顒水南之溫造水北之石洪若此者皆使林壑無虛

澗媿不歇必也葉許之流箕山潁水而後可練溪之南
蘿山之下豁光山色映帶一軒斯公大之考盤而詩人
之所由詠歌也嗟乎一有宇宙即有此山其間得其真
趣者幾何人賢矣哉公大也是爲序

書長干許氏族譜序

休寧縣南五十里曰長干山水奇秀播鍾許氏世居焉
許氏之先自縣西之東閣遷于茲迄今蕃衍蔓延比廬
族處雞犬之聲相聞宛然有桃源之風而不知世事之
更變也一日許顯宗字璟山者以予之四世祖五世祖
俱娶許氏故持其家藏許氏族譜來請曰願子與吾爲

訓戒之辭以昭示後人使之嗣習志而修之以無紊寧
卑之序得盡其尊敬之心親愛之義不致於相視如途
人焉予觀許自周時受姓歷漢唐至宋朝其間世次功
名富貴之盛已詳悉具見于荆國王丞相及諸先輩之
文無庸贅述然予於長子許氏尤賞歎敬慕而不能忘
焉者蓋自世變搶攘故家中第往往銷鑠至一跌而赤
其族者不少也而許氏乃獨安其田里守其先廬規模
氣象無異昔者其故何哉豈長子山水之勝其鍾於人
者自有不同與抑其先屢世積善天之報之其在子孫
與然培其根則枝愈茂濟其源則流愈長爲許氏之子

若孫者益積善而不替則熾而昌壽而康必與是鄉山
水之勝相爲無窮也此環山之大願也此某之所以爲
書之而不辭其請也

瀛峰樵子序

予昔客于邑西之瑄溪金氏溪之上有山巍然而高大
曰瀛峰穹然絕壁翠浮光瑰瑤輝映朝夕異狀余甚
愛之每瘦筇短屐窮探幽勝竟日而忘歸是所謂蛻蟻
扶與磅礴而鬱積者宜金氏居其下鍾其毓秀世有聞
人金生鏞字彥毅許從子游今尤嗜文學拱而言曰瑄
也昔學未就遭時多艱且二親俱老無他兄弟備養是

以托迹樵牧庶采拾盤旋茲山以不遠遠定省故自號
曰瀛峰樵子令尹唐侯圖其景以見標之所志者願先
生賜之一言予曰嘻若予者既老且衰黽黽窮家支離
疏散之流無所用於斯世彼此名也以及終幾年消之可
也予爲士族齒髮方茂明敏之才儻與之器奮然而起
必多脫羊裘而朝佩珠玉也何故不爲祿仕以榮養其
親親乃輒棄箕裘自瘦體力爲小人之鄙事乎試未可
也生乃莞爾而笑曰先生休矣請聽予子之樵歌乃歌
曰梧桐梓杞杪婆娑例遭斬所及剗剗日落西岡薪已
多負薪換酒歸山阿升堂拜舞意頗醜善操我斧披我

葉世有危機柰我何歌已窅然入于林中惟清嘯隨風
有鸞鳳之音不得與之言矣

代隆隱朱學士贈金德基歸新安序

洪武元年春余方待罪翰林故人金侯子西之子履寔
來京師舍館未定即謁余而言曰寢也從冊首氏女兄
避地吳越間十有二年流離顛沛艱阻備嘗所不盡者
命耳今得侍先生昔冊琴瑟之傍如旣溺而登岸如中
酒而解醒如觀青天白日而無迅雷風烈之驚也願留
而爲役於門下先生其有以教之請畢而泣余亦泣曰
子之尊君北海陳元龍輩莫能過之結交豪俊殆滿

東南其老賓客如余者親未嘗後五之汝孫叔敖抵堂
談笑頷于齒髮方茂如玉樹皎然豈大官者乎雖然余
知子之不可久客于外而亟當返乎屬下之肆者有二
子之母歿而未葬婦聘而未娶然生者養死者戚女有
家男有室庶幾乎先聖王之教也子其行乎視余之日
薄西山尚縻於茲而不能輒自引去者何能爲懷於是
攬涕而謝曰敢不拜受先生之教戒遂刻日治任言歸
於其別也因書以贈之里人朱升序

送馬則賢序

禮記曰醫不三世不服其藥言謹疾也死生攸繫其可

忽諸今世俗之醫者無家學無師承或僅剽竊於肩方
去自矜眩利人有疾幸而成功則藉以饜饕不幸則視
其死如蚍蜉蟻子然可憐已若此者豈為岐黃扁鵲利
世之心哉惟星源則賢馬君則不然家世以儒明醫傳
世則賢機活神悟所至疾豈即逃如養由基之號猿庖
丁之解牛也起死之功夥矣為人溫雅敏捷尤好施貧
貴防鄉城有施藥者伎善鍛而價於財今年秋得奇疾
左策不能下咽者七日矣市醫無肯哀之者告急於予
予即為造則賢具道其事語未畢矍然起赴其難畧無
金容容貌切脈一見輒了授一匕劑曰翌日所忌必

然半至期又藥之越三日脫然無所苦舉室出拜謝則
賢遜避曰彼不至於死吾豈能生之傲爾而退未嘗商
財賄之有無也嗚呼則賢有如是之才操如是之行其
活人陰德庸有既乎予嘉其得岐扁利世之心獨異於
世俗之醫者故樂為序以稱道之

記

稼隱軒記

戴珉比玉吾鄉之賢士也篤志務學不為祿仕從予讀
書于隆阜山中告余曰吾觀眉山蘇文公送張同年稼
說謂博學而約取厚積而薄發深有感於斯言有屋四

楹爲蔽修之所得參政端公之子鳳臺生孝思爲書古
篆椽隱二字揭之楹間思不我知者以吾志於小人之
事學於老農如樊須取譏於夫子者幸先生記之予謂
子之平居所以自養而不敢輕用以待其成者可謂至
矣雖然其穠是藜必有豐年子之稼穡當富人之美稼
矣寧積而不發耶成文武之才就道徑之實豈終爲沮
溺之徒也哉方今

天子聖明急賢如渴取銀青公之祖笏如探物於囊中
吾然後知爲待賢而沽者也故不辭書以記之

東白軒記

曹君從善既築所居爲野航之齋外拒紛拏中枵明寂
香爐蒲石几席圖書淨無纖埃亦足以自娛矣又於齋
之東壁闢一軒稍加棘達與齋伴深不盈丈高樞虛
牖清簾朱簾雅爲容光之際若夫城鼓初動鄰雞已鳴
推枕而興正襟危坐仰而視之唯見扶桑蒼蒼啓明睽
睽正吾心未與物接之際神氣湛然乃命之曰東白軒
而請予爲之記予應之曰齋取杜陵錦里之詩軒取坡
仙赤壁之賦也雖然予居是間蓋亦審夫所寓之時以
爲出處之道昔者海田善幻風濤際天匪東方則明月
出之光昧者或不知戒冒利乘險狂踈而前人舟均敗

饒蛟飶之而子之野航方收帆纜掉橫於荒閑寂寞之濱於是所見遠矣方今日轍當天衆星隱羅狐狸魑魅銷跡潛形風虎雲龍翕然際會是宜展濟川之志築太平之基以致

昔於堯舜之上寧得謂枕藉舟中而不知東方之既白乎願趣爾葦解維遄發

寄微軒記

子友朱君伯仁儒家子也用唐李虛中之術推人之生年月日時而知其貧富貴賤死生壽夭若神聲名籍籍聞於人已久矣性愛菊於其所居之右偏闢地而植之

殆將百本洪武元年秋七月復捕重屋四楹於菊籬之
前軒窓兩向其中有琴有書筆床茶竈壺觴餅爐整如
也駙馬都尉使王公子敬爲取陶淵明寄傲語大書而
扁之嘗請予爲言其所以名軒之意予稔知伯仁之爲
人孝於其親友于其弟與人恭而有禮察其身心之間
無所滌毫驕倨而乃有取於此何耶伯仁曰吾見夫世
降俗下彼汲汲於名與利者曾肩誦笑搖尾乞憐處汗
穢而不羞甘汨沒而忘返孰若吾之傲睨於蒿塵之表
亦樂夫天命如陶令者乎雖然記禮者曰傲不可長詩
稱彼交匪傲萬福來求虞舜命夔亦曰簡而無傲且以

舜之明德能化其弟象之傲烝烝又不格姦而禹猶勉之曰無若丹朱傲則傲德爲戒於千載之上千載之下聞者凜然今子是軒常傳子孫他日儻不知爲矯激之言而祖述所謂其父報仇殺人其子行劫其流之弊可勝道哉伯仁躍然拱曰吾雖不敏請事斯語矣君其爲我記之以貽後嗣俾之朝夕觀省如座右之有銘則亦庶乎其可也於是乎書

雲隱山房記

紫陽山在歙城南五里而近歙爲朱子父母之邦山因人而增重猶孔氏之洙泗也故紫陽爲郡之大姓朱子

所宗焉休寧爲郡屬邑邑西四十里曰首山遡流不二舍曰豐山首與豐亦嘉山也宜爲大姓之所居余友朱君伯尚惠州太守權之六世孫世居首山年未志學即失所怙中值壬辰撥擻其舅氏子輝吳公居豐山因奉母夫人往依焉賴舅氏輔翼教誨見其才也以子妻之居甥館今十有八年補其葺修之所曰雲隱山房孺慧爲文以記之愚謂居萬山之間而隱於雲高矣北堂嘗親樂於借隱有孟母居子之安無曹大家東征之勞又見其澗之賢矣然雲之在山則悠然日與幽人俱閑及其出山則霈然爲雨而澤天下有體而又有用也伯尚

奉親權寧隱於其中如陶弘景之自怡悅此一時也他
日繼惠州之祖武鵬化鵬搏作傳說之霖又一時也迨
其功成名遂望雲思親歸奉潘輿效雲天之需宴壽觴
舉而慈顏紅其爲人間之至樂豈有涯也哉愚不勝敬
羨於是乎十四

懶齋記

懶齋者海寧邑西瑞溪金氏德基之雅號也德基之尊
公子西總管遺承平享富貴孔北海陳元龍莫能過之
結交豪俊始滿東南德基善述先志愛禮賢士貴義輕
財又尤工於樂府含商吐宮鏘如金石每一篇出人

稱之以爲有雲石海粟之遺風也。所居西偏新闢一
齋左右圖書酒理茶竈枕榻餅壚凡所以娛樂賓客之
具畢陳其間躬與剡成故舊談論文章或議古今事理
將迎揖讓竟日靡休徒見其勤未見其懈必其意有所
在也問之則曰吾生七歲失所怙十四效子長之遊吳
橋楚柁淮月燕雲濫祿于大人君子門下者又十七年
遊路之進人物之夥蓋亦徭嘗其險艱而盡知其情爲
矣今始克返吾屠羊之肆吾心豈復欲捐捐勤其四體
而不知休哉余始疑之又熟察之見其於數米量薪而
炊爨者與夫嘗糞舐痔媚竈乞墦之所爲者欲來少立

於階墀一是托以所標之齋名而辭謝之然後知斯齋
乃不易造也不然夫豈不知天下之事勤則成懶則廢
乎德基驟然而笑曰子之斯言真得我心之所同然者
請書之座間以爲懶齋記余亦不敢以懶爲辭遂書之

新修湖山樓記

璫溪爲休陽西鄉勝地由溪東涯迤邐入山度二橋曰
長千里山水益舒緩草木益壯茂金氏家焉地之勝於
是爲取其先世模倣錢塘佳處鑿前爲方湖以瀦其流
諸峰環立皆浸影含輝旁有棟宇巽然而峙者湖山亭
也後因燬而更爲樓則又專覽茲地之勝其他臨觀之

樂皆莫能及之歲在丁酉余特用公昆弟相禮羅得
與諸生下惟斯樓者凡七年云講誦餘閑或相澄霽
主賓臨軒角巾野服勸誅於湖光山色中舉熙熙然人
知魚鳥之樂而魚鳥未必不知人之樂也余後館寓他
處才二年而丙午復來則瓦漏板腐壁敗窓頽不可登
望者又三年矣而清夢栩栩常落是間今年夏五月十
日公忽詔其子瑜曰此樓不修且益壞於是永命刻刻
因舊制而治之不出五日衆工畢功請余爲記余謂然
復於公曰方今兵燹之餘名鄉甲第尚爲荒草丘墟而
未復旃幘震凌者何限而公家能遵守構之訓父作子

述亦前人後澤所蒙當慎自修而保有之庶乎樓之勝
因人而益顯焉廼書于壁以示歆後余之出處亦并載
上託爲不朽云

跋

跋黃伯仁所藏江山萬里圖

予讀南史愛南陽宗少文於江陵立宅閑居無事因結
字衡山欲懷尚平之志有疾還江陵歎曰老疾俱至名
山恐難偏雅溢懷觀道卧以遊之凡所遊屐皆圖之於
室今吾宗家伯仁兄出其所得佳畫一幅相與展而觀
之雲烟蒼茫而江山萬里忽在几席間不知爲何人之

筆真老杜所謂尤工遠勢古莫比者歟雖然兄充闡幕
之使方東上會稽度錢塘朝金陵而回又將西臨樊襄
南入閩關比達淮甸馳羽書於四方奔走不暇庶予也
窮居古林之下灌園之暇婆跼勃宰小閣清香左函右
書不知老之將至當是時也澄懷卧遊之趣屬之子乎
屬之我乎伯仁慨然而笑曰屬之子矣子其爲我識之

書馬德稱雙節堂卷後

洪武八年春予來紫陽郡城始識馬生德稱未幾以一
軸文書來示予曰此當代鴻儒瑰士紀述吾家雙節之
堂也願益一言以昭吾考妣之德以慰吾之孝思以示

吾之後人永永無已亟復讀之而知其父休寧監邑可
道公惟亂兵不屈而遇害其母夫人王氏迫於勢蒙誓
不辱而縊死之德稱因作堂以奉祀而扁曰雙節諸公
既簡爲文殆與宋季趙鼎發事相類將書於史氏也
確矣然監邑公爲前朝簪纓世冒德化涵濡風明綱常
之道遭時不幸慷慨殺身所謂得真正而斃焉正夫人
婦人也於顛沛流離之際而之死靡他之念卓然不渝
節義並立凜凜乎尚誰使人嚳吁興起孝子名堂以昭
著二親之德皆有關於天倫有補於世教予又奚言乃
擬梁鴻五噫作歌辭以遺之歌曰凜凜雙節莫耶干將

兮噫神物雖化猶有幽光兮噫孝子結構永泰烝嘗兮
噫行有不懌能陟斯堂兮噫齋前豐後百世彌芳兮噫

跋退思軒卷

人誰無過知悔悟而改之則無過然必不思則或昏而
不能改昔魯宗道性剛直人呼爲魚頭公謂其骨鯁故
也爲執政日營一小室畫山水退朝獨坐謂之退思巖
雖妻亦不許入此事

君而退思補衮職之闕者今施君孟文性亦剛介不耦
於當時屏而閑居又以退思名軒此不得於君而退思
內自訟其咎者諸文士爲發揮詳矣先儒謂爲惡之人

未嘗知有思知有思則善矣雖然論為學之道則不服
思若不窮理果斷至應事之時而徒爾多思不免如季
文子之反感而有過舉矣施君以為何如

說

金彥瑾長子名說

洪武己酉歲三月二十有四日戊午日在酉金彥瑾氏
初生于戊午納音屬天上火為日命宮天蝎卯有火為
日出之方三月之末遂咳而名之曰文烜俾其客筆而
識之文者何天文日也烜者何易曰日以烜之日生萬
物也文也烜也無不明也無不生也斯父母期待之心

也文煊倘有弟以文炳名之亦本於易之革也客者何黃其姓相其名子運其字也

劉子範兄弟字說

劉君子範謂子曰吾兄弟四人伯曰疇字子範仲曰庸字子中叔曰賢字子齊季曰天賜字子與先人所命也愚意以爲兄弟分形同氣子爲貫字說爲一可乎辭不獲乃謂曰四君之字皆當以天推之洪範首言天錫範疇蓋道之大原出於天天理之當然也子範以之中庸首言天命之謂性程子釋不偏之謂中不易之謂庸亦天理之當然也子中以之天性有善而無惡氣稟乃有

賢愚見賢思齊不賢而內自省亦天理之當然也子齊
以之賜與也天之所賜大矣天與人以健順五常之性
率循所與非天理之當然乎子與以之天下之理一本
萬殊命字之義雖殊本於天理則一也若是可一以貫
之乎子範曰可命之矣遂書其說以與之

頌贈

頌李巡檢築陂

南鄉爲海寧勝處邏舍郵亭與民廬數百區鱗集壘飛
爲一閩之市平野帶其前泉源清流正經其後涵虛漾
碧沉沉無聲上堰水爲兩陂曰桑樹塢溉田十頃而羸

曰清陂塌所溉三倍其數先時遇歲旱谿既涸矣始議興築不無鹵莽滅裂之爲此水及田未盡徧矣往往徒勞卒罕蒙其利今傳章李公來掌筵微問弊於民而知其故乃進里之富人與一二田父而告之曰農畝欲求食之源苟失水利而不稔則必飢非特無以給公上後租期吾雖欲安女業禁女盜楮可得乎與女約盡三日其伐松爲梁柱負石以實之畚土以築之民歡趨之如期而兩陂之塌屹乎中流凡溝渠之埋塞者咸疏鑿之無間冬夏灌注周通里人聚觀而大悅以爲今之居一官能盡所職者常鮮公以明敏練達之才乃有餘力與

民與利爲無窮使數千畝之旱壤化爲上腴而南鄉益
爲海寧勝處矣於是相率爲歌詩以頌公之德焉詩曰
南鄉之里田疇流水禾麻芄芄黍稷蕿蕿昔有兩陂築
以不時旱旣爲虐我寧無飢李公戾止喻我至理其作
雖勗其堅難圯堰以巨石貫以長松成茲永圖伊誰之
功彼野如楮我廩恒實享茲樂歲伊誰之力兩陂如棠
百世不忘惟公之澤川流俱長

贈吳伯春子道中

予亡婦前年遭疾迎吳大醫伯春父來視之乃曰今
無憂藥之則愈但年許慮不得永耳扣之再三以爲

調攝當得三四年且歷歷言其脉息與沈痼之證如水
鏡之照心肝也亡婦深信之遂急了向平之債今年十
一月程氏女復歸寧而去因戲謂予言雖即死無憾矣
未幾果疾作迎吳大醫又不果來曰不來命也勿復強
迎之他醫坐視其嗒然而逝越五日亡婦弟汪伯會亦
得重病求之醫遣其子道中來授一匕劑即獲起死之
功嗚呼人生脩短固有數生者驗其死而瀕於死者能
生之如賢父子世其家學豈非醫師之良耶臨別誦賦
詩輒效梁伯鸞作五噫歌以馮老懷之感傷兼告人之
未能盡識吳大醫者歌曰余配竟殂兮噫厥弟果避兮

噫良醫稱盧兮噫孰爲其徒兮噫家學有吳兮噫

文

祭朱學士隆隱先生文

嗚呼先生之聰明卓絕天下之人皆知之大而天人之
道遠而造化之旨精窮闡奧妙析家釐不宙回而是是
不崖異以非非取六經與百氏之書籍悉標題而旁注
使後生小子一讀則了然而無疑是以螢窓雪案俛焉
惟日以孳孳先生於聖賢之學真有功於百世不但表
彰於一時皆之未達也則擬隆中之隱以孔明自期及
首于有司而將達也遽遭奇運之流離然維新之朝雖

三聘而進寵以玉堂之華要而退脩之志終固辭而歸
理乎肯囊之欲肯不立產業如鮑太傅之說不入城府
如龐德翁之爲先生於行藏之義不但爲一時之矜式
真可作百世之宗師彼當世之士勢燄熏天聞此令終
於正寢亦敬慕而歔歔特可共恨者旋星霜未遒者殆
蓋耕稼領袖晚進疇依不肯兄弟以先君托斯文之契
五十餘載故懶鈍之質俱蒙陶冶而扶持邇者驅於貧
而癩於疾於先生門下跡雖慢而心不違客歲之臘忽
計音之驚聽幾當奔哭適丁家禍之披藜今茲之來也
唯梅花初月浦思山悲先生之音容則邈乎其不可見

矣如之何其不苦淚之交願尊魂不昧鑒此芹私

祭子中弟文

嗚呼天不欲吾家呂大耶何吾弟有才而無福也四十
八年手足之親而遽止於斯何禍患之來如是之酷也
吾爲地不死而哭弟豈非逆境耶弟臨死而不見兄豈
不令寃耶五月初六前村路中兄弟三人執手而別言
各寡而音咽視各凝而淚流又豈知此別與吾弟爲終
古之別耶七月十一日自館中歸見吾弟六月十五日
手書大意以爲被奸猾之誣遭伴侶之滯幾至狼狽今
並清獄爲之悲喜交集又十餘日已親家信歸忽報復

隨虎口中舉家驚惶徒行不能正履食不能下咽惟禱
之神明託之天地或者待伸其屈而洗其昏待女長男
歸遺其榮應又未十日而凶聞遽來呼天號地不知汝
屍之存亡也幸藉吾祖宗之靈造物之佑親戚之惠得
遂瘞葬以煥機弟與汝次男遂取以歸安厝于門首之
園以成吾弟之初志此猶見天道之稍有存而非人爲
之所能沮害者則吾弟之生榮死哀無媿於先人可謂
美矣但老懷之悲痛而不能已者有三焉自今已往歲
時節序欲兄弟三人團樂歡會如前時固不可得雖欲
千里之外得吾弟數字之書胡可得耶其可傷者一也

比年以來寒族衰微後生凌替幾不見齒于摺紳尚賴
吾弟聰明敏給卓立其間自今已往詩書之脉荒無孰
與我其振起耶姦誦之風寢長孰與我其裁正耶其可
憐者二也女之六男有成有否皆未可知路途遙擔荷
重孤嫠滿室特哺嗷其可憂者三也吾之父子與機
弟之父子所可協濟女之子者維當盡心盡力經紀維
持吾弟冥冥之中亦必有以陰相之也嗚呼鴈行風斷
鶴影月寒一奠永訣兩淚如潛尚享

行狀

故徽州路婺源州同知金公行狀

公姓金氏諱觀祖字時用其先漢京兆尹都成侯金欽之苗裔以世遠其緒不可尋至十世祖諱宏圖始居新安休寧縣治之西三十里曰洲陽千有諱諫於公爲六世祖資產甲一鄉至五世祖諱文藻受所居之東岸小璫山川秀美遂徙家焉是爲璫溪金氏高祖諱脩和宋迪功郎嚴州司戶參軍曾太父諱華宋咸淳戊辰進士成忠郎武岡軍新寧縣主簿太父諱應鳳號桐岡末國學上舍父諱南召字子南元宣政院宣使母同邑隆阜戴氏諱閨宋江東提舉司幹官村之女孫璫溪之北一里許曰長干林泉尤勝又築甲第而別居之生四男其

仲即公也而公之生實在瑞溪自幼性謹厚知讀書不
愛聲伎遊宴稍長首受業于定宇陳先生又受學于婺源
源胡存菴先生能爲詩賦氣宇魁岸言論從容一時王
公士夫見者咸愛而敬之而公亦浩有建立功名於當
世之志家人生產作業一不以介於懷至於致君澤民
之道則日講慣而不捨也年甫三十去遊錢塘儒學提
舉白公廷玉以公直饒州路儒學提管韓公鋪深器重
之且曰職雖卑亦仕宦之一徑耳至正壬辰兵燹方起
鄉民相扇爲亂賴公喻之以義亟發貲粟募丁壯助有
司勦紅巾燬俘馘其渠魁以獻于江浙行省祝兵官平

章政事三日八公出以其功狀移咨中書省以公爲祁
門縣尉歲乙未署公婺源州判官居無何又復功陞同
知本州事婺源境接壽陽蕞黃寇往來至是城陷而復
者非一故民益困悴公於州之大姓多聯姻媿其諸利
害靡不洞知與知州李利用同條協濟故能革誅求之
弊盡撫摩之誠翕然稱譽之而時事日益非矣初

聖朝之肇造區夏也寧河武順王姓鄧氏名某歲丁酉
是特王爲樞密判官平定徽州以總管張思聰戍休寧
知公名仍舉公同知婺源州事公以疾辭遂結草菴于
所居之右源窮谷中自號卧雲居士黃冠野服與樵牧

相爾汝者凡一十七年客至山蔬村酒盡醉而罷
惟嘖疊山謝先生清絕句詩評有不勝感慨者矣爲洪
武癸丑十二月初十日不疾而卒生延祐戊午九月初
五日享年五十有六嗟乎世事更十餘年不變使公之
賢才得以展其志取勲名爵祿詎止於此哉晚能遊跡
於寂莫之濱采山釣水惟適之安以善其身保全其孫
子亦可謂豪傑之士矣記縣邑程氏宋顯謨閣直學士
適之六世孫慶元路寧山監場管勾翔鳳之女諱學生
于富嬌而柔淑勤儉德母儀皆可爲法與公同年生
先二十二年卒子男一曰瑜七歲入小學不數月論語

二十篇即能背文楷誦穎異不群夏國公余廷心先生
贈以古篆奇童二大字女一適里士戴玘孫男一曰叔
夜方五歲繼室汪氏諱離先十五卒公捐館之十五
日得辛酉之吉殯于同里積水塘之中隴程氏在外隴
汪氏在內隴既襄事其孤以予於公托同庚之好交從
之久泣而言曰先子平生心事屢歷惟先生知之深願
爲狀其行敬撫拾其槩于右云

後園黃先生存集卷之四

嚮明齋詩文附卷

翁諱維天字景高後與公之詞後也號嚮明齋
善於字學余愛其筆法純淨取法墨迹乃得詩文
故本一賦前後淺淡世所存者此耳茲因重刊後
圖公作集采爲附卷其高孫終鐸敬詩諸梓若夫
歷後之實學上尊教公之爲著筆許
矣茲故得以累云族共志法謹識

題詹氏所藏山水

五城總志

近山青蒼遶山碧陰雲杳靄暗雲白芳郊自有綠水紆
穹林本與紅鹿隔招提一似遠公祠安居不異楊雄宅
仙翁釋子足幽懷竹院相逢話疇昔川原變隄雲模糊
欲從何處覓行跡新安深介萬山中紫陽虛谷聲輝井
松蘿天葆鬱岩堯雲峰高映秋崖石削出芙蓉幾萬疊

飛懸瀑布數千尺，天台廡阜兩悠然。採藥觀棋總仙客，
臨圖撫景興邁飛。掀髯一嘯天地窄。

題村景小姪

文筆峰高秀入雲，清漪之水深渾渾。長橋古渡岸南北，
喬木陰森溪上村。書聲比屋無俗事，文章傳世稱儒門。
祇今學業不復振，光陰拋擲如流奔。竚哉後輩互自勉，
古訓流風猶有存。

次程叔潤題所居村景韻

雲溪烟樹鬱蒼蒼，中有高人肯構堂。松月夜窓生綺繡，
竹風午檻響琳琅。書成萬聖勤開卷，筆掃千軍醉倚床。

磨址多賢文德盛蛟湖深衍慶源長

紫茄圖

曾聞蔡搏軒前置 特詔旌褒有令名今向青門圖裡
看幾多風致可人情

葉原翁孤舟漁隱卷

君不見松蘿山嵯峨秀出天地間又不見孤舟嶺盤環
宛似神仙境葉翁遂以漁隱名幽棲結構屋數楹虛窓
晃朗山月皎高檐縹緲川雲橫桃花流水春色好白蘋
紅蓼秋光瀨懶披蓑笠釣滄浪獨抱群經樂精討蘭蓀
桂子森目前萊木五彩飛翩翩長香其首娛色養坐子

景福延高年熊罷應兆心無慕羊裘不著耽儒業功名
富貴如毫毛托此嘉名永無斁

錢縣尹劉公

劉侯卓犖真絕奇蚤膺鸚鵡薦朝京師承恩已展四方
志勤勞徭夜無稽蓮一朝領戢居蓮幕秋月始始照民
瘼簿書案牘不憚煩琴堂贊畫多雄畧是非果斷明如
神三年獄訟無冤民絃歌百里風化茂桑麻桃李皆酣
香昔嘗解組登長道父老憂心慙如捕叩頭天闕祈
能幸遂借留還戢早今茲報政上瑤京老耄送別
為情願公指日巡徽地再施霖雨甦蒼生

羅侯思養堂卷

百年父母早違離
春雨秋霜倍感悲
符綬莫能供饋
升堂無復見容儀
寸忱端與仲淹契
一念還同子路思
藉藉嘉名昭孝行
公餘追嘆蓼莪詩

用吳純中韻呈任木立

每羨先生德潤身
風流儒雅邁前人
詞源直瀉銀河水
學海深涵天地春
蓋谷隱居原有道
金鑿召對更無倫
冰壺秋月多清興
委翅樊籠不得親

清明掃墓

拜掃先塋日乍長
無邊景物競時光
龍蟠虎踞鍾靈秀

水繞山環抱吉祥盃酒未傾心百折麻衣欲濕淚未行
天恩罔極知難報祭祀烝嘗敢自忘

暮春

朝來緩步小橋東萬紫千紅擁地蓬蜂蝶已虛芳徑外
燕鶯還愛綠陰中杜鵑叫落家家月柳絮飄殘處處風
從此詩懷清興少且將盃酒惜春融

清明日族伯叔輩約過西湧諸處拜墓

明霽風輕送曉寒一門長幼共登山溯流豈憚尋源遠
兩祖寧辭涉嶺難昔日狐狸今走遁舊時龍虎復盤桓
小鴈告奠陰靈鑿永庇孫枝百世安

祭十三朝漢世祖文

仰惟吾祖盛玉湖塘名香竹帛德若圭璋一朝美績千
載流芳豈料鼠革竊斧墓傍同門憂忿舉族悲傷一訟
得理三善所蔽惟茲損節俱罹禍殃某等載慮靈寢少
妥幽陽特擇谷旦敬設豆觴上祈寧逸下冀禎祥子孫
蕃衍宗族京邑尊頌如在顯鑒烝嘗

憶橫山先生

半年不見程夫子松石相逢在市廛筆底文章流峽水
胸中造化本先天一宵清論塵絲脫十載貧交道誼堅
後夜相思何處是娟娟明月柳塘邊

別吳廣文

延陵高士温而良，丰姿凜凜如秋霜。芹宮胄監久陶鑄，
才優學博難韞藏。一朝發軔青雲路，承恩攝教官休
陽。休陽邑庠多俊傑，相逢一笑生輝光。嚴勤篤志勵清
苦，日將月就無荒唐。由茲歲貢膺顯擢，仁風化雨交飛
揚。每懷親舍隔千里，晨昏甘旨不得將。愛心惻怛長歎
息，白雲天際懸思望。計音倏忽來耳側，呼天踏地摧肝
腸。東書掩卷出泮水，辭官解印還故鄉。士友分携情縫
繆，一尊酌罷登重航。人生齊會固有定，相思遂同江水
長。

爛柯圖

遠代樵蘇上翠微，
偶逢逸老坐圍碁。
因觀形勢多機變，
不覺光陰屢轉移。
爛却斧柯方自悟，
歸來塵事總堪悲。
何時遇得龍眠手，
畫作新圖更絕奇。

橫江書舫卷

橫江書舫最清幽，
中有英才德業優。
門徑往來無俗客，
沙堤翔集有輕鷗。
一帆風月資吟咏，
萬卷詩書自進脩。
異日濟川作舟楫，
好擘忠赤闢嘉猷。

餞程汝器往襄陽省親

一天梅雨正淋漓，
不憚驅馳漢水湄。
山館葦雞朝起早

江船對月夜眠遲
三千里外供甘旨
十五年來話別離
好待嚴親賦歸去
黃花采采滿東籬

劉生扇面

素紙皎潔如霜雪
一入掌握涼風發
龍眠老手寫新圖
泛泛輕舟弄明月

錢判簿羅族

羅族家康山
累代稱望族
早晨經綸材
來作休寧牧
蒞政秋月明
號令晨霜肅
潛心究筆書
勞彤事案牘
贊佐善資謀
判決如神速
僚友詫賢能
吏民咸悅服
百里謫絃歌
三年空訟獄
夜雨長桑麻
春風生草木
今當報政

騎遠覲黃金屋

大明麗中天四海皆家國
長年長壽 冊班雨露深膏沐
恩德信留情駕輕而就熟
兒童百馬迎父老尤極日好
德業惠心暫淹馳驟是九載
考幽明萬里攀黃鶴永輔
亮若若榮享千鍾祿

馮梅

羅浮仙子倚南枝不計鉛華也
自前銖石心腸終不改
任渠飛雪撲香肌

爲邑侯作重建東山汪公祠祝版文

惟神德被六州名香千古
褒謚累朝廟食茲土
烜赫厥

靈昭于海宇聽此下民夙蒙由攝事
天命來牧休寧頌神歡相訟問政平
東山祠宇頽然若傾
前已俸宰衆重營天監美兵不日
落成神靈既安
民物咸寧一觴禱賀俯鑑厥誠俾予庶
職壽祿永膺

扇詞

林下幽蹊抱素欵澄江萬頃翠光
潯齒人擬是玄真子
長川瀾波理釣舟

奉餞晉大夫秋滿朝京

帶酒臨津上京師正值

恩誼有特四海魚龍咸變作萬方
民物樂維熙金門

待漏通青漢玉笋齊班拜赤墀
最定應登顯仕好施
惠澤慰民思

餞別吳彥和還普定後

憶昔征南正妙年歸來雙鬢覺蒼然
升堂喜見慈親健
繞膝驚看令子賢爰日方宜供菽水
秋風又復買江船
人生符會皆天定忠孝由來寔兩全

上郡守張從道公

上馬翩翩下海寧枯荑槁木悉回生
皎如秋鏡明蟾涼
灑於寒潭止水清慈母每憂嬰恙病
孤身未得竭忠誠
歷階再拜陳詩句願登區區人于情

贈積中之柳州興寧縣任

溪頭送別正芳春風翻高埭楚塞雲沈是魚龍初得浪
何妨鴻鴈暫離群持身已見冰霜潔益政還須玉石分
際 皇天開泰運好抒忠赤樹華勛

許由圖

亦舜吾君堯舜民惟公隱遁獨離倫棄瓢洗耳欲何用
故使莊生侮聖人

錢晉大尹之蔚州

一從捧檄下休寧紀肅綱明政化行百里回生多惠澤
九重奏最自嘉名正看紫誥來 楓陛又沐 皇恩守

蔚城頌我細民何所恃攀轅卧轍不勝情

餞劉幕賓之思城州

清風蓮幕久敷揚下邑疲民賴撫匡一片忠心懸夜月
七年號令凜秋霜未看報政朝 舟闕先拜除書佐大
方老弱相看心欲苦借留無計回 君王

陳侯玉清書屋卷

勝地臨仙境希賢志獨可清幽揚丁宅瀟洒董生帷辟
殺非無術穿楊已見知公餘猶對畫不志讀書時

晉大尹瞻雲思親卷

東岳峒峒起白雲臨風悵望倍思親九天雨露垂恩重

千里家山入夢頻，負米食藜寧復得弄雛。
取水莫煎陳水言，錫類應無極到處行沾德化新。

贈別劉舍昆士

携書過我正青春，夜雨燈窓請業勤。
數載漸磨情易合，一朝送別袂難分。
須臾送矣宮商調，鴻鴈高飛南北雲。
珍重此行加勉勵，會看登用樹華勳。

寄瀛島

羅山千載共栖依，會盡曾無半日違。
自擬魚龍同變化，那堪鴻鴈兩分飛。
月明池館鶻蜂急，春盡園林蝶侶稀。
料得思思風雨夜，定應有語念寒微。

贊黃村志清知州像

公姓黃名滄字志清世居邑南之黃郛少由頤宮入
大學以儒業初授鄆州知州後改授濮州終於間其
德政之著於時者顯顯然也景泰五年始見公之像
於是作手而爲之贊

稟受乎天地之清依輔乎日月之明以文章而登顯仕
光前烈而垂鴻名畏服人以德政處置事以公平可謂
仁民而愛物是宜安富而尊榮也耶

咏梅次韻

寄吳子春

一枝瀟灑碧波涯歲歲衝寒先著花歷歷雪霜心不改

選隨清夢到詩家

姑歟僊人自絕竒心如鐵石玉爲肌幽懷不向東風訴
巖晏江空有所思

次韻復士寧兼簡伯善

自歎書齋接孟隣塵緣汨汨莫能禁清宵永日無良晤
流水高山少賞音閑倚危樓延佇久長懷尺地別離深
人生胥會何如此幾度詩成祇自吟

嵩山高隱幾經秋力學潛心邁仲由雨過北窓應爽境
月明西席更清幽滿懷吟興生春草盡日書聲出竹洲
寄我新詩多俊逸切磋還肯往來不

寫玉球花

候落揚州幾歲寒
琳宮玉宇護仙壇
時人相見不相識
欲作棠梨一樣看

江湖勝覽卷

龔君來自大江西
琴劍詩囊取次携
眼底縱觀窮宇宙
胸中豪氣吐虹霓
吳山楚水開圖畫
燕月秦雲入品題
愧我夙懷湖海志
祇今林下尚幽棲

翩然萼柿過松蘿
勝覽襟期風月多
湖上放懷思賀鑑
江頭吊古憶曹娥
投閑老我夢初覺
經濟嘉君志不磨
何日排雲叫閭闔
定應身沐鳳池波

馮菊

桂花開盡芙蓉發競逞容華當秋月老圃疎籬未寂寥
一種幽香清到骨管城昨夜飛玄霜英姿不比丹雌黃
欲識淵明借隱逸也須茂叔爲平章

示子生甫

爾不見古人映雪夜讀書今人白日多閒居又不見古
人寸陰猶可惜今人長年任虛擲古人今人趨不同行
思坐念心忡忡生知安行聖者事競辰警世開群蒙天
光雲影靜沉沉援筆題詩感寸心迷途未遠早追悔願
爾學古莫學今

三友圖

君不見徂徠山，蚌蛤仰靈夏。風寒又不見，淇水澳鳳尾。
吳差森綠玉，誰知東川官舍中。英姿雜遘，棘榛叢一自
細傳廣平賦，已有調和鼎，博功古人體物，已得終今我
味，冷清癯，冷清癯，德不孤，爲君題作三友圖。

鶴鶴圖

彼原上鶴，行搖飛且鳴。詩人善鑑物，取譬急難情。君
家好兄弟，友愛多嘉名。特能有圖畫，可當座右銘。

次韻復程彥章

學苑芳書有源客，志一見。駱塵綠襟期，酒箴竟胡適。

塵埃風流冠市廛，華野躬耕膺幣聘。草廬狂顧起龍眠，
莫言嘉遁山林下。祇恐徵書萬里傳。

題築夢才之京

天挺奇才邁世賢，乾坤至理獨精專。承恩曾列鸞班內，
挾策重趨馬國前。千里關山馳驛馬，一帆風月送江
船。行將殘渥，朝回後依舊松蘿樂歲年。

次金彥忠寄韻

璫漢高隱築三餘，架插牙籤萬卷書。沂桂飄香疑謝朓，
綠筠挺秀護陶居。光風霽月長隨我，肥馬輕裘不問渠。
傲脫乾坤心浩蕩，從他塵世事紛如。

錢趙廣文

步全

傳家道學有淵源十載論文膠膝堅寶匣再開三尺水
錦衣還覲

九重天雲霄恩重博飛翻驛路風清爽去鞭回首相思
何處是東山新月正娟娟

方山樓卷

河南道學鳴千載更有聞孫濟世才滿架詩書娛歲月
數間樓館絕塵埃雲山烟樹俱環遶詩客仙翁數往來
此地人間寧有幾何時容我共徘徊

齋明齋附卷終

既後圃先生存集後

族翁後圃先生當元季隱居不仕讀書自娛豐
腴葺業讓於諸弟而自屏居於後圃蓋籍曰深
送遊益衆名則曰起入

國朝屢聘不就也凡有政過無見於咏歌每篇章
一出人爭傳誦之然自未嘗留稿是故不得而
彙焉先生既歿門人戴先生與其子則憲公家
諸鄉士夫家僅撫百之一二命曰存集補諸梓
矣然而羅織殘缺於是稿之存者蓋鮮嗚呼

生之文匪徒藝之為工焉實英華豈無幾於道
耶何湮於今而使世莫知之者遂重有傷焉一
日族老僉謂曰先生之集傳於昔而晦於今吾
子孫之責也幸而得蒐其遺文四卷洎其亂景
高翁嚮明集一冊總為一帙欲梓以傳遙躍然
曰述先啓後吾素志也敢衰厥事以成庶幾彰
先世之幽光而吾人亦以遠不明不仁之譴云
尚

嘉靖歲在庚戌端陽日國學生族孫遠百拜謹啟

識重刊後圃存集刻後

族太甫後圃翁詩文四卷原粹于洪武癸亥尋經回祿迨今百有餘歲未有克復之

者嘉靖庚戌春族裔孫蒙琬通珩廷新輩倡欲

翻刻請正於族于是衆義樂成踰月而工畢復以其孫景高公詩文若干篇附于後此猶見斯文之有嗣而吾黃氏之詩禮

替也則夫規、於末利是圖是各侈然自
富易世無純者視後圃翁二百年之斯文
景高公之繩其祖武今日之烈爲何如所
謂黃金滿籬不如教子一經是也刻完敢
識此以告諸後人使知斯文之可貴而末
利不足尚以詩書淑其子孫豈不偉歟時
夏初吉日杲頰首謹識